

[Augsburg], 9. September 1580

An Simon Fabricius

Abschrift: Scholarchatsarchiv bei der Evang.-Luth. Gesamtkirchengemeinde Augsburg, Nr. 47, S. 174f. (von der Hand des Johann Matthäus Stammler).

Simoni Fabricio, Pr[imario] Hieronymus Wolfius.

S. Ea est Mi D. Compater, ualetudinis meae infirmitas: ut propediem publico abstinere καὶ οἴκοι νοσηλεύεσθαι sim necesse habiturus. Quia uero te in munere tam scholastico, quam bibliothecae curandae successorem mihi fore et spero et opto: paucula quaedam te admonendum esse duco: ac de bibliotheca prius.

1. In hac sunt multi minuti, et separati eorundem autorum libelli, quorum complures integros comparauimus, ut sunt opera Iauelli, Steuchi, Alicati, et aliorum. Eos iussit Duumuir Rechlingerus uendi (detractis insignibus et catherinis.) et ea pecunia refici libros quibus uel clausurae, uel alia desint. Multi libelli carent insignibus Augustanis: quae ubi à pictore confecta fuerint, addenda erunt.

Bibliopeci omnes me destituerunt, conquerentes se tam uili precio libros compingere non posse. Consentiente itaque duumiro R[echlingero] constitui Ieremiae Mair pro Mediana charta + 48. pro folio + 34. pro Quarta + 18 pro Octaua + 13. pro decimasexta + 10.

Ἄταξία quaedam est in collocatione librorum utriusque bibliothecae. Cogitandum de meliore ordine, et indicibus accuratioribus, qui demonstrent quoto cuiusque plutei numero libri quique sint repositi.

In Graecae Bibliothecae capsis, sunt libelli incompacti, inscripti quidem omnes (nisi fallor.) sed ubi compacti fuerint: erunt inscribendi denuo propter libellos adjunctos.

Duumuir uult tantum exquisitos emi libros, in Theologia catholicos et Lutheranos: repudiatis caeteris sectis.

Typographi sordescunt indies magis ac magis, et magna uolumina in octauam formam coniuncti, quorum emptio pro uirili cauenda {uidetur erit}. Dedecorant enim istae minutiae bibliothecam.

2. De Schola saepe multumqüe et scripsi et dixi. Quod idem et nunc frustra me facturum scio: pugnant enim in animis Scholarcharum Ambitio (!) et tenacitas. Itaque necessaria ignoramus, quia non necessaria discimus. Quotusquisque est, etiam ex barbatulis, qui aliquot uocabula teneat, et pauca ex tempore Latinè proloquatur?

Conuentus Scholarcharum à Schenckio frequentes conuocati fuerunt, qui nunc ferè nulli sunt: ὀλιγαρχικῶς in foro unus atque alter, ignaris caeteris plaeraque decernunt.

Sed Schola tibi et Scholarchis curae erit.

3. Tertium restat, Quinquagenos f. eleemosynoe scholasticae hactenus administraui. Ea pecunia sum ad meas necessitates abusus: quam accepta mercede, restituam, et unà cum rationibus meis, mittam ad Lyncium: ut eam si uidebitur, tuae fidei mandet. Nam importunae puerorum postulationes aegrotanti mihi permolesta fuerint. Vale 9 Septembris 1580.

Hiero[nymus] Wolfius  
Tuus.